



Inatsisartunut ilaasortaq, Per Rosing-Petersen, Attaviitsoq
Inatsisartut Allattoqarfiat
/Maani

KNI A/S-ip nioqqutissiaasa aningaasallu nalingisa qularnaariffiginerat pillugu § 37 malillugu apeqquut nr 273-imut akissutit.

Asasara Per Rosing-Petersen,

KNI A/S-ip nioqqutissiaasa aningaasallu nalingisa qularnaariffiginerat kalaallinut inuiaqatigiinnut qanoq kinguneqarsimanersoq pillugu Inatsisartut Suleriaasianni § 37 naapertorlugu Naalakkersuisunut apeqquteqaateqarputit. KNI A/S pillugu annertunerusumik immikkut ittunik makkuninnga apeqquteqarputit.

30-12-2016
Suliap nr. 2016 - 20189
All. nr. 3220986

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqquut 1

Naalakkersuisut piginnittut sinnerlugit ukioq manna qanoq KNI A/S-p ataatsimeersuarnerani oqariartuuteqarpat?

Apeqqummut 1-imut akissut

KNI A/S-ip ukiumut naatsorsuuteqarfiusumut 2015-16-imut ataatsimeersuarneranut atatillugu Naalakkersuisut Siulittaasuat imaattunik oqaaseqarpoq:

Aallarniutigalugu KNI-mi siulersuisut, qullersat sulisullu ukiumi qaangiuttumi sulillaarsimanerannik pitsaasumillu angusaqarsimanerannik pilluaqqussavakka.

KNI-p unammiligassai akisussaaffiilu eqqarsaatigalugit Naalakkersuisut isumaqarput ukiumi angusat naammagisimaarnartuusut angusallu KNI-llu oqaluttuarisaanerani angusat pitsaanerit ilagigaa. Ingerlatseqatigiiffiup ukiuni kingullerni periusissaq "KNI 2016-ip tungaanut" tunngavigalugu sulisimavoq tassani anguniagaqarlunilu immikkut sammineqarsimallutik ineriartortitsineq atorunnaarsitsisarnerlu taamaaliornikkullu ingerlatseqatigiiffik nukittuneraluni inissisimalersimalluni.

"Killingusaaq"-imik taallugu periusissap nutaap ingerlanerata inernissaa takussallugu pissanganarpoq, aammalu sulisut qullersallu Kalaallit Nunaata tamarmiusup pilersuisuata KNI-p siunissaa qanoq isumaqarfigineraat paasisaqarfigissallugu. Naak niuernikkut atugassarititat sakkortusisimagaluartut aammalu innuttaasunik illoqarfinnut sulii

nussortoqaraluartoq KNI-p ineriartornermut malinnaajuarnera aammalu nunatsinni tamarmi naleqalersitsisarnera takullugu nuannerpoq.

Ukiuni arlaqartuni anguniagalimmik periusissamik suliaqarsimaneq suliffeqarfimmik nukittunerulersitsisimavoq Naalackersuisullu isumaqarput KNI A/S tassaasoq suliffeqarfik ingerlalluartoq piginnaasaqarfiginerpaasanilu atorluarlugit isiginiartuarlugillu ingerlatsisoq. KNI suliniutini aqutugalugit angusimasai Naalackersuisunit nersualaarneqarput nunatsinnilu tamarmi innuttasut pitsaasumik inuunissaminnut tunngavissaqartikkumallugit suleqatigiinnitta ingerlatiinnarnissaa neriutigaara. Taamatutaaq Naalackersuisut KNI A/S-illu sileqatigiinnerata pitsanngorsaaffigineratigut neriutigaara pitsaasumik angusaqartarnermut ikorfartueqataasinnaassalluta aammalu ingerlatseqatigiiffik taamaasilluni ataavartumik pitsaasumillu ineriartortitsinini ingerlatiinnarsinnaassagaa.

Ingerlatseqatigiiffiit namminersorlutik oqartussanit pigineqartut sulisuminnik piginnaanngorsaallutik tassunga ilanngullugu sulisut ilinniartinneqartarneranik suliniutiminnik sulii annertunerusumik suliniuteqartarnissaat Naalackersuisunit annertuumik kissaataavoq .Inuiaqatigiit ineriartortinneqarnerat eqqarsaatigalugu sulisut kalaallit pikkorissut ilinniartinneqartarnissaat pingaarutilerujussuavoq taamaasiornikkut siunissami kalaallit pisortat amerlisissinnaassagatsigik. Taamaattumik Naalackersuisut kissaatigaat ilinniartitaanerit assigiinngitsumik qaffasissusillit ingerlaneqartarnissaat taamaasiornikkut, ingerlatseqatigiiffiit KNI A/S-itut siunissami kalaallinik pisortanik amerlasuunik peqalernissatsinnut ikorfartueqataasinnaassammata. Naggasiullugu oqaatigissavara ingerlatseqatigiiffiup pitsaanerusemik nalunaarusiortalernissamik aammalu ilisimasat pitsaanerusemik ilisimatitsissutigineqartarnissaanik suliniutimik ingerlatsinerat Naalackersuisunit pitsaalluinnartutut isigineqarmat, suliniutillu tamakku ajunngitsup tungaanut ingerlasut ukiumut nalunaarusiat aqutugalugit takuneqarsinnaasarput. Tamakku ingerlatseqatigiiffiup suliaasa suunerinik ersarinnerulersitseqataassapput, taamaasiernerlu Naalackersuisunit piginnittutut nersualaarneqarpoq naatsorsuutigineqarlunilu.

Nielsimut Piitamut siulersuisunullu allanut ingerlatseqatigiiffiullu qullersaanut qujanaq. Ingerlatseqatigiiffiup sulisuinut qujanarujussuaq, innuttaaqatitta pitsaanerusemik inuuneqalernissaannut inuussutissarsiutiminnillu ingerlatsiinnarsinnaanissaannut tamassi ataasiakkaarlusi annertuumik suliaqarput. Taamatut oqaaseqarlunga ataatsimiinnermi aqutsisoq oqaaseqartussanngortippara.

Apequt 2

Tassa imaappa suliffeqarfiup aningaasaqarneranut sunniuteqarnerlunnissaralua atuisut – inuiaat kalaallit qaffasinnerusemik akiliisarnermikkut annaasaqaataasussaangaluaq annertooq matussusersimagaat?

Apeqqummut 2-mut akissut


Apeqqutit marluk akineqarnissaannut ingerlatseqatigiiffiup aqutsisuinit oqaaseqartitsisoqarpoq, apeqqummut makkuninnga oqaaseqaateqartoqarpoq.

"407,8 mio kr-nik annasaqartoqarsimanerani atuisunit matuseqataaffigineqartumik paasisaqartoqarsimangilaq. Namminersorlutik Oqartussat kissaataat naapertorlugu uuliap akuiarneqanngitsup, uuliamik akuiarneqanngitsumit akuiaaviit isertitaasa aningaasartuutaasalu assigiinngissutaat, sinneqartoorutit, aamma USD-nut qulakkeerinnissutsinik Kalaallit Nunaanni ikummatissat akiisa aalaakkaasuunissaat taamatullu erniat isertut qulakkeerniarlugit KNI ukiuni qulikkaat ingerlanneranni suliaqarsimavoq. Tamatuma kinguneraa, Kalaallit Nunaanni ikummatissat akiisa nunarsuatsinni niuerfinni akit ineriartorneri malillugit qaffattangimmata appassanatillu.

Ingerlatseqatigiiffiup ukiumut naatsorsuuteqarfiani naalernerani ullormi qulakkeerinninnerit nalingi inatsit naapertorlugu KNI-p nalunaarutigissavai. Imaappoq ukiut tamaasa ulloq 31 marts uuliap akuiarneqanngitsup, uuliamik akuiarneqanngitsumit akuiaaviit isertitaasa aningaasartuutaasalu assigiinngissutaat, sinneqartoorutit, aamma USD-nut kiisalu erniat nunarsuatsinni niuerfinni akit piffissami tassani atuuttut tunngavigalugit uuttortarneqartut qulakkeerinnissutit nalingi KNI nalunaarutigissavai. Tamanna maannakkorpiaq oqaatigineqartumi takuneqarsinnaavoq 407,8 mio kr-nit nalinginik amigartooruteqartoq, taakkunannga erniat 75,4 mio kr.-pput. Tassa imaappoq, uuliat eqqunneqartut pillugit qulakkeerinninnerit 332,4 mio kr.-it nalinginik amigartoorutit amerlassuseqarput.

Maannakkorpiaq ulloq 31 marts oqaatigineqartut, paasisutissiinngivissorput, Kalaallit Nunaanni atuisartut uulianik eqqussukkanut qulakkeerinnissutsinit qanoq annertutigisumik annasaqassanersut iluanaaruteqassanersulluunniit . Tamanna aatsaat ilisimaneqalissaaq KNI ulloq taanna uuliamik eqqussippat. KNI ileqqusumik ukiumut tallimariarluni taamaaliortarpoq. Uuliamik eqqussinerit taakkua ulloqartarput, tassani assiliaq piviusoq takuneqarsinnaavoq nunarsuatsinni niuerfinni akinit qulakkeerinninnerit akikinnerusimanersut akisunerusimanersulluunniit.

Takuuk ataani nalunaarsuutit ulluni eqqussiffiusuni nunarsuatsinni niuerfinni akinut naleqqiullugu atuisartut 2015-imi 98 mio kr-nik aamma 2016-imi 124 mio kr-nik annasaqarsimapput. Piffissamili ataatsimoortumi 2008-16-imi annaat taamaallaat 8 mio kr.-usimapput.



Uuliamik akuigaanngitsumik niuerfiusup ineriartornera naleqqiutissagaanni takuneqarsinnaavoq, 2008-mi programmimit iluanaaruteqarujussuarpoq niuerfiup qaffiarujussuarnerata malitsigisaanik aamma 2009-mi niuerfik appariagaatsiarmat annaasaqartoqarpoq. Tamatuma kingorna ikummatissat akii piffissami sivisunerusumi annerusumik qulakkeerinnissutit pioreersut iluanaaruteqarnermut ikorfartuutaapput, kisianni 2014-ip naalernerani uuliat akuigaanngitsut akiisa malunnartumik appariarneranniilli akinut qulakkeerinnissutit pitsaanngitsumik sunniuteqarsimapput.

Ilisimatitsissutitut oqaatigineqarsinnaavoq, qulakkeerinnissutit ukiuni aggersuni 30, november 2016-imiit ilannguttut 12 mio kr.-it nalinganut amigartoorutaammata. Kisianni taassuma atuisartut iluanaartissanerai annaasaqartissaneraaluunniit eqqusuinerit naammassineqarpata aatsaat ilisimaneqalissaaq.”.

KNI-mit paasissutissanit Naalakkersuisut oqaatigisinnaavaat, takuuk 2016-imi ukiakkut Inatsisartut ataatsimiinnerani KNI A/S pillugu Inatsisartut peqqussutaata allanngortinneqarneranik Inatsisartut inatsisissaattut siunnersuutip Inatsisartuni pingajussaaneernerani Naalakkersuisut akissuteqataat, piffissami matumani KNI-mit akinut aningaasallu nalinginut qularnaveeqquusiisarnerit ingerlatseqatigiiffik ataatsimut 407,8 mio. kr.-nik annaasaqartissimavaat, pisussaaffiit tamaasa ingerlaannaq piviusunngortinneqassagaluarpata.

Tamanna tungavigalugu Naalakkersuisut oqaatigaat naatsorsuutigineqartoq, ingerlatseqatigiiffiup akinut aningaasallu nalinginut qularnaveeqquusiisarluni ingerlatsinerata inuiaqatigiit annertuumik aningaasartuuteqartikkai imaluunniit immikkut aningaasartuuteqarnerulersissagai.

Tamatuma saniatigut oqaatigineqarsinnaavoq, ingerlatseqatigiiffiup 2015-16-imut ukiumoortumik nalunaarutaani takuneqarsinnaammat niuerfiusumi naligitat ajortut – akinut ernianut aningaasallu nalinginut qularnaveeqqutininut tunngatillugu –

ingerlatseqatigiiffimmi aningaasaqarnikkut pissutsinut ajortumik sunniuteqarnaviangimmat, pissutigalugu nalillit taakkua atuisartunut akinut immikkut taaneqanngikkaluarlutik naatsorsuineranut ilaareermata.

Takuuk manna kiisalu ingerlatseqatigiiffiup aqutsisuinit oqaaseqaatit oqaatigineqartut eqikkarneqarsinnaapput, KNI-mi uulianik nioqqutissianik pisinermi akinut aningaasallu nalinginut qularnaveeqqusiisarnarit ingerlatseqatigiiffiup akikilliliinermi akigititaanik aalajangersaasarnarani ilaapput, apeqqutaatinnagu oqallisigineqarneranni nunarsuarmi niuerfimmi akit ineriartorneranut naleqqiullugu pisarinerani akit pitsanngoriartornersut ajornerulernersulluunniit.

KNI A/S-ip ukiunut tallimanut pisussatut ilimagineqartut aallaavigalugit 2015-16-imut ukiumut nalunaarutaani titartakkami takutinneqarpoq, ingerlatseqatigiiffiup akinut aningaasallu nalinginut qularnaveeqqusiisarluni ingerlatsinera ingerlatseqatigiiffiup nammineq aningaasaataanut aamma aningaasaqarnikkut patajaassusianut ajortumik sunniuteqarsimasoq.

Apeqquut 3

Naalakkersuisut ataatsimeersuarnermi oqariartuutaata assinga pineqarsinnaava?

Apeqquummut 3-mut akissut

Akissutitut apeqquut 1-mut akissutigineqartoq innersuunneqarpoq.

Apeqquummut saqqummiunneqartumut allanik oqaaseqaatissaqanngilanga.

Med venlig hilsen
Inussiarnersumik inuulluaqqusillunga

Kim Kielsen